


LOKASI



KES MELIBATKAN ORANG ASLI KAMPUNG KUALA KOH

Jumlah kematian 2 ORANG

3 ICU HOSPITAL KUALA KRAI

1ICU HOSPITAL RAJA PEREMPUAN ZAINAB II (HRPZ II)

Punca kematian RADANG PARU-PARU



Anggota HAZMAT mengambil sampel air di beberapa kawasan sekitar Kuala Koh, Gua Musang.

KEMATIAN ORANG ASLI KUALA KOH

HAZMAT pantau kualiti udara

● **JUMLAH PENDUDUK MASIH MENERIMA RAWATAN: 22 PESAKIT**
HOSPITAL GUA MUSANG

● **18 PESAKIT**
HOSPITAL KUALA KRAI

● **1 PESAKIT**
UNIT RAWATAN RAPI
HOSPITAL RAJA PEREMPUAN
ZAINAB II
KOTA BAHARU

● **40 ORANG**
PESAKIT LUAR

● **99 ORANG**
MASIH MENERIMA
RAWATAN

Orang ramai tidak dibenarkan melawat kampung berkenaan berikutan bakteria daripada radang paru-paru mudah berjangkit

SIMPTOM



BATUK DEMAM SAKIT DADA BERPELUH

● **Pneumonia boleh** didiagnos melalui kaedah X-Ray dan pemeriksaan kahak. Rawatan bergantung kepada penyebab Pneumonia

▶ RADANG PARU-PARU

Inflamasi pada paru-paru disebabkan oleh jangkitan bakteria virus, kulat atau parasit. Gelembung-gelembung udara (alveoli) di dalam paru-paru dipenuhi cecair atau nanah, menyebabkan sukar bernafas



Sumber: Bernama

DEEN GRAF

➔ Usaha sekat penularan virus keluar dari kawasan wabak

BH-12/6/19 (M/S.8)

Oleh Mohd Zulkifli Zainuddin dan Ramli Ibrahim

cnews@nstp.com.my

► Gua Musang

Seramai 20 anggota Unit Bahan Berbahaya (HAZMAT) akan membuat kawalan dan pemantauan kualiti udara di perkampungan Orang Asli Kuala Koh, di

sini, bagi menyekat penularan virus keluar dari kawasan itu.

Susulan itu, Pegawai Kanan Balai Bomba dan Penyelamat Kota Bharu, Mohd Azlan Zainal, berkata pusat kawalan HAZMAT dibuka di perkampungan tetap Orang Asli suku Batek, iaitu zon kuning sejak jam 12 tengah hari semalam bagi memudahkan anggota melakukan kerja kawalan sehingga kes selesai.

Ambil sampel air

Beliau berkata, selain pemantauan kualiti udara, anggota HAZMAT juga akan mengambil sampel air di sungai yang digunakan berdekatan kawasan hutan yang menjadi lokasi perpindahan sementara, sebelum

dihantar ke Jabatan Kimia.

"Pada masa ini, pemantauan kualiti udara di zon kuning, iaitu perkampungan tetap Orang Asli Kuala Koh masih selamat.

"Zon merah yang diwartakan di tempat perpindahan sementara, iaitu dua kilometer (km) dari tempat penempatan tetap masih dalam kawalan dan pemantauan.

"Kita mendapat bantuan anggota dari Kuala Lumpur, Terengganu, Perak dan Melaka. Mereka ini bergilir-gilir menjaga pusat kawalan dan ber-kawal sekitar perkampungan ini," katanya kepada media di sini, semalam.

Mohd Azlan berkata, pemantauan itu akan dilakukan se-

hingga siasatan kes itu selesai.

Akhbar melaporkan orang awam dinasihatkan tidak masuk ke perkampungan Orang Asli dekat Kuala Koh, Gua Musang, kerana jangkitan kuman di paru-paru mudah merebak.

Siasat penyakit

Menteri Kesihatan, Datuk Seri Dr Dzulkefly Ahmad, ketika mengumumkan larangan itu berkata, siasatan pihaknya kini menurus kepada penyakit terbabat.

Beliau berkata, hal itu kerana pemeriksaan dan diagnosis petugas perubatan dari Kementerian Kesihatan mendapati rawatan terhadap hampir semua Orang Asli menunjukkan simptom sama.

Husam gesa siasat lombong haram

Kuala Lumpur: Kerajaan Kelantan digesa menyiasat kewujudan sebuah lombong haram berdekatan penempatan Orang Asli suku Batek di Kampung Kuala Koh, Gua Musang, dikhuatiri mencemarkan sumber air di perkampungan berkenaan.

Pengerusi Pakatan Harapan (PH) Kelantan, Datuk Husam Musa, berkata ini kerana Timbalan Menteri Air, Tanah dan Sumber Asli, Tengku Zulpuriyah Raja Puji yang melawat

Kuala Koh semalam, mengesahkan lombong berkenaan beroperasi tanpa lesen.

Beliau berkata, siasatan itu perlu disegerakan memandangkan tiada maklumat menyatakan nama pelombong atau maklumat lain dipamerkan di kawasan lombong berkenaan.

Guna bahan letupan

Katanya, ketika lawatan dibuat, lombong berkenaan masih beroperasi, manakala penyelia lombong mengaku mengguna-

kan bahan letupan yang tidak dinyatakan kandungan bahan kimianya.

"Lombong ini terletak dekat dengan penempatan Orang Asli Kuala Koh. Terdapat dua anak sungai mengalir dari sini. Sama ada kematian Orang Asli berpunca daripada pencemaran lombong ini atau tidak, pihak penguat kuasa perlu bertindak kerana lombong beroperasi tanpa lesen.

"Kenapa mereka belum bertindak? Tentunya senarai ingin

tahu yang panjang berkaitan lombong ini. Siapa yang mengangut keuntungan? Berapa banyak? Harap Kerajaan Kelantan dapat berbuat sesuatu dan agensi Kerajaan Persekutuan juga tidak berdiam diri," katanya dalam kenyataan, semalam.

Setakat ini, Jabatan Alam Sekitar (JAS) Kelantan sudah mengambil sampel air dari tiga lokasi di Kampung Kuala Koh bagi analisis tahap pencemaran.